

**ZAPISNIK SA 7. SJEDNICE UO SAMOSTALNOG SINDIKATA RADNIKA U BHRT-u,  
U MANDATU 2023/2027, KOJA JE ODRŽANA U UTORAK, 31.10.2023. GODINE**

**Prisutni:** Džemal Kahrica; Merima Kurtović-Pašalić; Elvis Čengić; Edis Fočo; Mubera Herac; Samir Gadžo; Sadin Kavazović; Mustafa Baručija; Anel Nurković; Ivana Vidmar; Sanija Saljihi; Sanin Vila; Minka Džihanić; Minja Erić; Ekrem Agić

**Odsutni:** Alen Pavić; Omer Bukić

Dnevni red:

- 1.Zapisnici sa 6. redovne i 1. vanredne sjednice UO SSR u BHRT-u
- 2.Aktualna situacija u BHRT-a
  - sastanak sa delegatima iz kluba bošnjačkog Naroda Doma naroda PSBiH
  - sastanak sa premijerom FBiH, gosp. Nermin Nikšić
  - sastanak sa predsjedavajućom kluba hrvatskog naroda Doma naroda PSBiH, gđa Marina Pendeš
  - sastanak sa predsjedavajućim i članovima Komisije za saobraćaj i komunikacije Predstavničkog doma PSBiH
  - sastanak sa menadžmentom BHRT-a
- 3.Finansije
  - blagajnički izvještaj za mjesec septembar 2023. godine
  - izvještaj Adriatic osiguranje za mjesec septembar 2023. godine
- 4.Dodjela pomoći
- 5.Razno

**AD 1.** M.Kurtović-Pašalić je na osnovu člana 35. Statuta Samostalnog sindikata radnika u BHRT-u, otvorila 7. sjednicu UO SSR u BHRT-u, u mandatu 2023-2027 i predložila dnevni red koji je jednoglasno usvojen, kao i zapisnici sa 6.redovne i 1.vanredne sjednice UO sindikata.

**AD 2.** M.Kurtović-Pašalić je informisala UO da je rukovodstvo sindikata održalo nekoliko sastanaka u proteklom periodu i to:

-04.10.2023.godine delegati iz Kluba Bošnjačkog naroda Doma naroda PSBiH razgovarali sa rukovodstvom sindikata. Predstavnici sindikata tokom sastanka prezentovali su probleme s kojima se suočava BHRT, s posebnim osvrtom na težak materijalni položaj radnika BHRT-a I još jednom su upozorili na to da su, zbog neprovođenja Zakona o Javnom RTV sistemu BiH i Zakona o Javnom RTV servisu BiH, a za šta su odgovorne državne i entitetske vlasti, većina radnika BHRT-a na rubu egzistencije. Delegati iz Kluba bošnjačkog naroda u Domu naroda PSBiH dali su podršku predstavnicima Samostalnog sindikata radnika BHRT-a u borbi za puno poštivanje važećih zakona o javnom RTV sistemu i javnom RTV servisu BiH, kao i za borbu za bolji materijalni položaj radnika.

Delegati iz Kluba bošnjačkog naroda u Domu naroda PSBiH traže od svih nadležnih institucija BiH da se hitno uključe u rješavanje ovog vrlo ozbiljnog problema.

-06.10.2023.godine Premijer Nermin Nikšić primio rukovodstvo sindikata. Predstavnici reprezentativnog Sindikata uposlenika BHRT-a su izrazili zabrinutost i istakli ključne probleme u funkcioniranju i finansiranju BHRT-a. Zbog toga je važno što prije riješiti probleme finansiranja i naplate RTV takse kroz potpunu primjenu Zakona o javnom RTV servisu.

-10.10.2023.godine Predsjedavajuća Kluba hrvatskog naroda u Domu naroda Parlamentarne skupštine Bosne i Hercegovine (PSBiH) Marina Pendeš razgovarala je sa predstavnicima Samostalnog sindikata radnika BHRT-a, koje je predvodila predsjednica Merima Kurtović - Pašalić. Predstavnici Samostalnog sindikata radnika BHRT-a tokom sastanka prezentirali su probleme s kojima se suočava BHRT, te izrazili očekivanje da će PSBiH konačno iznaći adekvatno rješenje kojim bi se poboljšao sveukupni status zaposlenih u ovom državnom javnom medijskom servisu.

-12.10.2023.godine Predsjedavajući Komisije za saobraćaj i komunikacije Predstavničkog doma Parlamentarne skupštine Bosne i Hercegovine (PSBiH) Jasmin Imamović i članovi Komisije Jasmin Emrić i Milan Dunović razgovarali su s rukovodstvom Samostalnog sindikata radnika BHRT-a o situaciji i položaju radnika u tom javnom medijskom servisu BiH. Članovi rukovodstva Samostalnog sindikata radnika BHRT-a upoznali su članove Komisije da se radnici nalaze u teškom materijalnom položaju i da žive i rade na ivici egzistencije, budući da, kako su rekli, više od 60 odsto radnika BHRT-a prima platu nižu od 800 KM. Takođe su upozorili i na probleme neisplaćivanja doprinosa na plate, na loše uslove rada, kao i na problem odlaska stručnog i kvalitetnog kadra. Rukovodstvo sindikata upozorilo je na činjenicu da se ne poštuju postojeći zakoni o javnom RTV servisu i javnom RTV sistemu BiH i naglasili da bi poštovanjem ovih zakona bio značajno popravljen težak položaj radnika BHRT-a. Članovi Komisije za saobraćaj i komunikacije Predstavničkog doma pružili su podršku radnicima i rukovodstvu Samostalnog sindikata radnika BHRT-a, te najavili da će probleme o kojima je razgovarano na sastanku iznijeti na prvoj narednoj sjednici Komisije za saobraćaj i komunikacije Predstavničkog doma PSBiH.

Dž.Kahrica je izvjestio UO da je 27.10.2023.godine održan sastanak sa menadžmentom BHRT-a na kojem je sindikat ponovno tražio povećanje toplog obroka i ponovno je dobio negativan odgovor od strane menadžmenta zbog nedostatka sredstava. Prema informacijama menadžmenta, rtv taksa je na istom nivou kao i u prethodnom periodu, radi se na rješavanju produženja ugovora sa EP BiH o naplati RTV takse, izgubljen je spor sa RTRS-om na Vrhovnom sudu u RS-u, pregovara se o načinu raspodjele sredstva iz Vijeća ministara prema javnim servisima, isplaćuju se otpremnine za ljude koji su otišli u penziju za mjesec april ove godine, ugovor sa restoranom u RTV domu je do maja 2024.godine. Na inicijativu sindikata, asfaltirani su djelovi parkinga RTV Doma.

Dž.Kahrica je predložio na UO Sindikata da se pripremi za menadžment BHRT-a prijedlog sporazuma o informacijama koje sindikat objavljuje kako bi se da bez problema iste objavljujvale u našim programima. Nakon kraće rasprave, ovaj prijedlog Dž.Kahrice je jednoglasno usvojen.

UO je jednoglasno usvojio zaključak da se na sljedeću sjednicu UO pozove generalni direktor BHRT-a. UO je jednoglasno usvojio prijedlog E.Čengića da se zahtjeva od menadžmenta BHRT-a izmjenu cjenovnika međusobnih usluga između JS BIH i RTVFBiH, a u skladu sa cijenom rada i usluga.

**AD 3.** Blagajnički izvještaj za mjesec septembar 2023.godine je primljen k znanju.

Izvještaj M.Herac o poslovanju sa Adriatic osiguranjem za septembar 2023.godine je primljen k znanju.

**AD 4.** Komisija za dodjelu finansijske pomoći (M.Herac, S.Vila, M.Džihanić) predložila je da novčanu pomoć za mjesec oktobar 2023. godine dobiju slijedeći članovi: Kujović Amir 500 KM (III dio), Avdispahić Mirza 500 KM (II dio), Macić Samir 500 KM, Karšić Diša 400KM. Ukupno 1.900,00 KM. Poklon bon DM-a za rođenje djeteta u iznosu od 200KM komisija predlaže Adisa Baždarevića. Prijedlog komisije je jednoglasno usvojen.

**AD 5.** M.Kurtović-Pašalić je izvjestila UO da je dobila dopis kolege iz Zenice Armina Salihagića, a vezano za materijale koje je on snimao za Molitveni dan 21.10.2023.godine i jos neke materijale koje je takodjer snimao za BHT i FTV. Prema navodima kolege Salihagića ti materijali su prosljedjeni kao sirovi material drugim TV kucama, ali su potpisani kao njihovo vlasništvo. Nakon kraće rasprave, zaključeno je da Ivana Vidmar u dogovoru sa predstavnicima Podružnice IT Centara kontaktira odgovorne u BHT-u kako se ovaj i slični slučajevi ne bi ponavljali zbog samih uposlenika/članova sindikata.

Izvršni sekretar  
SAMOSTALNOG SINDIKATA  
RADNIKA U BHRT-u  
Elvis Čengić

Potpredsjednik  
SAMOSTALNOG SINDIKATA  
RADNIKA U BHRT-u  
Džemal Kahrica